



UDRUŽENJE  
POSLODAVACA

IZVJEŠTAJ O RADU  
DELEGACIJE UPFBiH  
U ESV-u ZA  
TERITORIJU  
FEDERACIJE BiH ZA  
2024. GODINU

Udruženje poslodavaca u  
Federaciji Bosne i  
Hercegovine

Sarajevo, april 2025.

## **UVOD**

Izveštaj o radu delegacije Udruženja poslodavaca u Federaciji BiH (UPFBiH) u Ekonomsko-socijalnom vijeću za teritoriju Federacije BiH (ESV FBiH) obuhvata period od decembra 2024. do 1. aprila 2025. godine.

Izveštaj je sačinjen na osnovu aktivnosti delegacije UPFBiH u okviru ESV-a, te uključuje ključne informacije o održanim sjednicama, usaglašenim stavovima, otvorenim pitanjima i preporukama za daljnji rad.

## **EKONOMSKO SOCIJALNO VIJEĆE**

Nakon višegodišnjeg zastoja, UPFBiH je kontinuirano insistiralo na ponovnoj uspostavi funkcionalnog socijalnog dijaloga u FBiH, što je rezultiralo održavanjem konstituirajuće sjednice ESV-a krajem 2024. godine. Ponovno pokretanje rada ovog tripartitnog tijela predstavlja važan iskorak ka unapređenju odnosa između vlasti, poslodavaca i sindikata.

Međutim, suštinska ograničenja i dalje postoje – prije svega u pogledu pravovremenosti, transparentnosti i uvažavanja argumenata svih socijalnih partnera.

UPFBiH će nastaviti da insistira na stvarnom, a ne formalnom dijalogu, u skladu sa zakonima i najboljom praksom EU.

## **ODRŽANE SJEDNICE**

U periodu decembar 2024. – februar 2025. Održano je ukupno šest sjednica ESV-a konstituirajuća i pet sjednice ESV-a.

### **ESV konstituirajuća sjednica (24.12.2024.)**

Sjednica Ekonomsko-socijalnog vijeća (ESV) Federacije Bosne i Hercegovine održana je u utorak, 24. decembra 2024. godine, u zgradi Vlade FBiH u Sarajevu. Ova sjednica je bila konstituirajuća, čime je nakon višegodišnjeg zastoja ponovo uspostavljen socijalni dijalog između Vlade, poslodavaca i sindikata.

Na dnevnom redu sjednice bilo je konstituisanje Vijeća, a prisutni su bili predstavnici svih socijalnih partnera.

Na sjednici je imenovan novi predsjednik ESV-a, Safudin Čengić.

Ova sjednica je bila od posebnog značaja jer je prethodila planiranom stupanju na snagu Uredbe o minimalnim primanjima od 1.200 KM početkom 2025. godine. Socijalni partneri

su izrazili zabrinutost zbog nedostatka informacija o sadržaju Uredbe i naglasili potrebu za hitnim dogovorom kako bi se izbjegle negativne posljedice po tržište rada.

Zaključci sa ove sjednice nisu bili obavezujući za Vladu, ali su predstavljali važan korak ka uspostavljanju funkcionalnog socijalnog dijaloga u Federaciji BiH.

### **ESV SJEDNICA II (30 decembar 2025.)**

Dana 30. decembra 2024. godine održana je sjednica Ekonomsko-socijalnog vijeća (ESV) Federacije Bosne i Hercegovine. Na ovoj sjednici socijalni partneri nisu postigli saglasnost o ključnim pitanjima, uključujući:

- ✚ Uredbu o minimalnim primanjima, koju je predložilo Udruženje poslodavaca FBiH;
- ✚ Uredbu o maksimalnim cijenama električne energije za privredne subjekte;
- ✚ Prijedlog povećanja najniže plaće u FBiH na 1.000 KM.

Jedini postignuti dogovor bio je produženje postojeće uredbe o pomoći radnicima, kako bi se omogućila isplata pomoći u januaru 2025. godine.

Istog dana, Vlada FBiH je na svojoj 45. sjednici donijela odluku o utvrđivanju najniže plaće za 2025. godinu u neto iznosu od 1.000 KM, koja će se primjenjivati od 1. januara do 31. decembra 2025. godine. Povećanje minimalne plaće na 1.000 KM je predstavljalo povećanje od 381 KM u odnosu na prethodni iznos ili 61%.

### **ESV SJEDNICA III (13. januar 2025.)**

Ova sjednica bila je prva nakon što je Vlada FBiH donijela odluku o povećanju minimalne plaće na 1.000,00 KM. Na sjednici su socijalni partneri – Vlada FBiH, Udruženje poslodavaca FBiH i sindikati – raspravljali o implikacijama ove odluke.

Sve delegacije pokazale spremnost da se iznađe najbolje rješenje koje bi omogućilo radnicima primanje minimalne plaće od 1.000 KM, uz istovremeno rasterećenje poslodavaca.

Delegacija Udruženja poslodavaca predložila je da 700 KM bude oporezivo, a 300 KM neoporezivo, što bi zahtijevalo izmjene Zakona o doprinosima. Vlada FBiH se obavezala da će do naredne sjednice ESV-a pripremiti set mjera za rasterećenje privrednih subjekata, uključujući moguće uredbe ili odluke koje bi olakšale implementaciju povećane minimalne plaće

## **ESV SJEDNICA IV (22. januar 2025.)**

Vlada FBiH je pripremila prijedlog seta mjera koji je prezentiran na ovoj sjednici. Na ovoj sjednici postignut je dogovor između Vlade FBiH, poslodavaca i sindikata o mjerama koje će olakšati implementaciju Odluke o minimalnoj plaći od 1.000 KM.

### **Ključni zaključci sa sjednice:**

- **Refundacija doprinosa za minimalnu plaću:** Vlada FBiH će refundirati dio doprinosa poslodavcima za iznos povećanja minimalne plaće sa 619 KM na 1.000 KM, do maksimalno 304 KM po radniku. Ova refundacija će biti regulisana posebnom uredbom koja će biti donesena u narednih sedam dana.
- **Oslobađanje doprinosa za povećanja plata:** Poslodavci koji povećaju plate radnicima iznad 1.000 KM do iznosa od 450 KM biće oslobođeni plaćanja doprinosa na taj dodatni iznos. Ova mjera ima za cilj stimulisanje povećanja plata i poboljšanje standarda radnika.
- **Planirane fiskalne reforme:** Vlada je na najavila:
  - ✚ Stupanje na snagu Zakona o fiskalizaciji transakcija od 1. jula 2025.
  - ✚ Donošenje novih fiskalnih propisa u dvije faze do 1. septembra i punu primjenu od 1. januara 2026. godine, uz konačnu stopu doprinosa od 28,5%.

## **ESV SJEDNICA V (03.februara 2025.)**

V sjednica Ekonomsko-socijalnog vijeća za teritoriju Federacije BiH (ESV FBiH) održana je 3. februara 2025.godine. Sjednica je bila fokusirana na razmatranje prijedloga mjera i pravnih akata Vlade FBiH vezanih za obračun i isplatu minimalne plate, kao i kriterija za refundaciju ili sufinansiranje doprinosa u skladu s Odlukom o minimalnoj plati za 2025. godinu.

Vlada je po predmetnim pitanjima donijela dvije Uredbe o isplati pomoći radnicima od strane poslodavaca, Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji BiH a potom još jednu Uredbu o mjerama finansijske pomoći niskoakumulativnim djelatnostima u FBiH u cilju održavanja postojećih radnih mjesta za 2025. godinu, sa koje su imale za cilj olakšati primjenu Odluke o iznosu najniže plaće za 2025.godin te budžet za ove namjene od oko 130 miliona KM.

Kroz navedene Uredbe omogućena je podrška Vlade FBiH poslodavcima:

- 100 miliona KM iz Budžeta FBiH,
- 25 miliona KM iz sredstava Zavoda za zapošljavanje,
- 5 miliona KM iz Fonda za profesionalnu rehabilitaciju

## **ESV SJEDNICA VI (25. februar 2025.)**

VI sjednica Ekonomsko-socijalnog vijeća za teritoriju Federacije Bosne i Hercegovine (ESV FBiH) održana je 25. februara 2025. godine u zgradi Vlade FBiH u Sarajevu.

Glavna tema sjednice bila je razmatranje prijedloga **Izmjene i dopune Zakona o doprinosima Federacije BiH**, s ciljem smanjenja fiskalnog opterećenja poslodavaca. Prema navedenom prijedlogu planirano je:

- **Smanjenje doprinosa na teret poslodavaca:** Vlada FBiH predložila je smanjenje doprinosa koje plaćaju poslodavci s 10% na 4,5%, što bi trebalo olakšati poslovanje i podstaći zapošljavanje.

Na sjednici je najavljeno da će od 1. jula 2025. godine stupiti na snagu Zakon o fiskalizaciji transakcija u FBiH, kao prvi korak ka sveobuhvatnim fiskalnim reformama

### **NAJZNAČAJNIJE TEME**

1. Uredba o minimalnim primanjima,
2. Uredbu o maksimalnim cijenama električne energije za privredne subjekte
3. Odluka o iznosu najniže plaće za 2025. godinu
4. Uredba o isplati pomoći radnicima od strane poslodavaca
5. Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji BiH u cilju održavanja postojećih radnih mjesta za 2025. godinu
6. Uredbe o mjerama finansijske pomoći niskoakumulativnim djelatnostima u FBiH u cilju održavanja postojećih radnih mjesta za 2025. godinu
7. Izmjene i dopune Zakona o doprinosima Federacije BiH ("Službene novine Federacije BiH", br. 35/98, 54/00, 16/01, 37/01, 48/01 - dr. zakon, 1/02, 17/06, 14/08, 91/15, 104/16, 34/18, 99/19, 4/21, 6/23 i 28/23 - odluka US).

UPFBiH je, kako na samim sjednicama tako i u izjavama za medije, iskazalo nezadovoljstvo cjelokupnim procesom donošenja Odluke o najnižoj plaći bez adekvatne analize i prethodnog dogovora sa socijalnim partnerima. Nagla i formalna uključenost poslodavaca tek nakon donošenja odluke ocijenjena je kao neprihvatljiva praksa.

### **STAVOVI I AKTIVNOSTI UPFBIH**

UPFBiH je, kroz direktno učešće i medijsko djelovanje, naglasilo:

- ✚ Neprihvatljivost donošenja ključnih odluka bez suštinskog učešća poslodavaca;
- ✚ Potrebu za blagovremenom najavom svih zakonskih promjena;

- ✚ Nužnost pojednostavljenja procedura za privredu, naročito kod implementacije uredbi o refundaciji;
- ✚ Uključivanje eksperata poslodavaca u izradu propisa.

U tom smislu, UPFBiH je dalo konkretne prijedloge koji su dijelom prihvaćeni implementirani u Vladinim uredbama.

Udruženje poslodavaca u FBiH će i u narednom period nastaviti sa jačanjem uloge UPFBiH u radu ESV-a kroz:

- ✚ proaktivne prijedloge,
- ✚ pripremu analitičkih materijala,
- ✚ saradnju sa predstavnicima vlasti

Također, Udruženje će zagovarati formalizaciju mehanizama za obavezno konsultovanje sa ESV-om prije donošenja svih odluka koje utiču na tržište rada i poslovno okruženje.

Upravni odbor UPFBiH